

娛書堂詩話
姜氏詩說
江西詩派小序
滄浪詩話

娛書堂詩話

趙與虬撰

編主五雲王

編初成集書叢

種三他其及話詩堂書娛

中華民國二十五年十二月初版

朱

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

(本書校對者 陸秉全 楊瑞文 張叔介)

四庫全書提要

娛書堂詩話一卷

宋趙與峴撰。與字集韻音牛閑切。說文訓爲虎怒。故其字爲威伯。以宋史宗室表連名次第考之。蓋太祖十世孫也。書中多稱陸游、楊萬里、樓鑰、晚年之作。又稱宗人紫芝。是寧宗以後人矣。其論詩源出江西而兼涉於江湖宗派。故所稱述如羅隱、范仲淹、釣臺詩、高麗叔雨詩、又桂子梅花一聯、毛國英、投岳飛詩、羅隱繡詩、沙門遊鴈宕詩、唐宣宗百丈山詩、姜夔潘轉菴贈荅詩、黃景說賀周必大致仕詩、無名氏溟亭詩、危稹送柴中行致仕詩、徐得之明妃曲、黃居萬瀑布詩、無名氏龜峯詩、周鎬將雨詩、壽趙倅詩、劉詠八月十四夜詩、雙柏句、撲滿子句、寓興詩、楊萬里所稱劉應時詩、唐人汴河詩、陸九淵少作石延年夷齊廟詩、無名氏天開圖畫亭詩、劉敞種柏詩、吳鎰絕句、江東客獻楊萬里詩、劉槩詩、徐似道楊萬里贈荅詩、趙橫釣臺詩、白居易周公恐懼流言日一首、及作詩用法語一條、大抵皆凡近之語。評品殊爲未當。蓋爾時風氣類然。然名章俊句、軼事逸文、亦絡繹其間。頗足以資聞見。失於蕪雜則有之。要其精華不可棄也。書中辨證僅兩條。其一解錢惟演無題詩、夜長惟有辟寒金句。據拾遺記嗽金鳥事。謂辟字當作畏辟之辟。讀去聲。惟演誤讀入聲。以爲辟除之辟。其說頗允。其一解楊億無題詩、死諱文成食馬肝句。不引史記之正文。而牽引拾遺記馬肝石事。則支離無理。

且兩條皆惟據王嘉書。知考據非其所長。存而不論可矣。

娛書堂詩話卷上

趙與麟 威伯集

唐許渾題孫處士居云。高歌懷地肺。遠賦憶天台。極爲的對。真誥曰。金陵者洞虛之膏腴。句句之地肺。注云。其地肥。故曰膏腴。水至則浮。故曰地肺。

古樂府云。愛惜加窮袴。防閒託守宮。冷齋夜話云。窮袴漢時語。今襠袴也。然未詳所出。按西漢上官后傳。宮人使令。皆爲窮袴。多其帶服。服虔曰。窮袴。有前後襠。不得交通也。師古曰。卽今之襯襠袴也。

蘇才翁舜元仕至轉運使。皇祐辛卯。按部至海昌安國寺藏院。留一詩于壁曰。畫堂三月初三日。絮撲紗窗。燕拂簷。蓮子數杯。鶯冷酒。柘枝一曲。試春衫。塔臨池面。勝看鏡。屋映花叢。當下簾。誰倚南樓。指新月。玉鉤素手。兩纖纖。書法遒勁。有懷素體。今刻于石。

冷齋夜話稱文與可詩精絕。鷺鷥云。頸細銀鉤淺曲。腳高綠玉深翹。岸上水禽無數。有誰似爾風標。予閱與可詩。復有云。避雨竹間點點。迎風柳下翩翩。靜依寒蓼如畫。獨立晴沙可憐。尤清拔可喜。

虞翻傳。翻放棄南方。自恨淪沒。每謂生無可樂。死以青蠅爲弔客。故靈徹謫汀州詩云。青蠅爲弔客。黃耳寄家書。

黃亞夫庶怪石絕句云。山鬼水怪著薜荔。天祿辟邪眠莓苔。鉤簾坐對心語口。曾見漢唐池館來。天祿辟邪獸名。漢西域傳。烏弋有桃拔。孟唐曰。似鹿長尾。一角者謂爲天祿。兩角者或爲辟邪。

李西臺直宿早朝二詩其一云春風夜急銅龍漏淡月半斜金井欄已覺亞枝風露重宿鶯猶睡怯餘寒其二云著衣香重海棠風人在瀛州御苑東將對赤墀班未定井幹樓角日先紅呂居仁跋云觀西臺詩想見國初太平氣象不遠餘風遺烈足以竦動後世渺想正觀初難與數子偕吾與諸公亦云

山谷自黔中還荆南見一女子奇美因賦水仙花以寓意山谷下世女子貧不能給其夫鬻於田氏一日召高子勉飲妾出侑觴子勉請以詩中國香字名之因作長篇紀其事有云卻把水仙花說似猛省西家黃學士乃能知妾妾當時悔不書空作黃字每誦此句未達其旨因閱李賀唐兒歌而有東家嬌娘求對值濃笑書空作唐字之句

郭功甫嘗與王荊公登金陵鳳凰臺追次李太白韻援筆立成一座盡傾白句人能誦之郭詩罕有記者今俱紀之太白云鳳凰臺上鳳凰游鳳去臺空江自流吳時花草埋幽徑晉國衣冠成古丘三山半落青天外二水中分白鷺洲總爲浮雲能蔽日長安不見使人愁功甫云高臺不見鳳凰游浩浩長江入海流舞罷青娥同去國戰殘白骨尙盈丘風搖落日催行棹潮擁新沙換故洲結綺臨春無處覓年年荒草向人愁

陸放翁云先少師宣和初有贈晁以道詩云奴愛才如蕭穎士婢知詩似鄭康成晁公大愛賞二事所出漫紀于此世說鄭玄使一婢忤意將撻之方自陳說玄曳之泥中一婢來曰胡爲乎泥中荅曰薄言往愬逢彼之怒撫言蕭穎士有僕事之十餘年穎士箠楚嚴慘人或激之擇木僕曰非不能也愛其才耳

東坡謂晨飲爲澆書。李黃門謂午睡爲攤飯。陸務觀嘗有絕句云。澆書滿挹浮蛆甕。攤飯橫眠夢蜨牀。莫笑山翁見機晚。也勝朝市一生忙。

鷓鴣其聲格磔可聽。世俗想像其音。或云懊惱澤家。或云行不得哥哥。蓋方言不同。而歌詠亦各用之。韋莊詠鷓鴣詩云。南禽無侶似相依。錦翅雙雙傍馬飛。孤竹廟前啼暮雨。汨羅祠畔弔殘暉。秦人只解歌爲曲。越女空能畫作衣。懊惱澤家非有恨。年年長憶鳳城歸。山谷詠李居士馴鷓鴣云。真人夢出大槐宮。萬里蒼梧一洗空。終日憂兄行不得。鷓鴣應是庫亭公。韋用前語。黃用後語。

羅隱嚴陵灘詩。范文正公釣臺詩。俱押高字。范詩特高妙。至用雲臺事。尤非隱所及。羅云。中都九鼎勒英髦。漁釣牛蓑且遁逃。世祖昇遐夫子死。原陵不及釣臺高。范云。漢包六合網英豪。一箇冥鴻惜羽毛。世祖功臣三十六。雲臺爭似釣臺高。

曾參預從龍。赴省時。館於衢之順溪。題一絕云。紅照西沈暫解鞍。偶然假館豈求安。新豐獨酌誰爲侶。坐對窗前竹一竿。識者已隲之矣。是年竟至大魁。致身政府。至今其館扁爲狀元。

四明高端叔博學能詩。鄉里所推重。嘗有雪詩一聯云。灑窗蠶食葉。入竹蟹行沙。人稱其工。又有對云。人間桂子月中種。水底梅花堤上枝。竟坎壤不仕。樓攻媿挽之云。弟子皆藍綬。先生竟白袍。

毛國英澤民之從子也。以詩自鳴。嘗經岳侯駐兵之地。江禁方嚴。國英投詩云。鐵鎖沈沈截碧江。風旗獵獵駐危檣。禹門縱使高千尺。放過蛟龍也不妨。侯曰。詩人也。委舟以渡之。

僧志南能詩。朱文公嘗跋其卷云。南詩清麗有餘。格力閒暇。無蔬筍氣。如云。霑衣欲溼杏花雨。吹面不寒楊柳風。予深愛之。

唐制有冤者。哭昭陵下。故李洞策夜獻簾詩云。公道此時如不得。昭陵痛哭一生休。陸務觀亦有句云。積憤有時歌易水。孤忠無路哭昭陵。

唐羅隱繡詩云。花隨玉指添春色。鳥逐金針長羽毛。趙彥若剪綵花詩云。花隨紅意發。葉就綠情新。鑄意俱奇。皆警句也。

白樂天獻裴晉公詩云。聞說風情筋力在。只如初破蔡州時。王禹玉上文潞公詩云。功業特高嘉祐末。精神如破貝州時。隱括樂天語也。

胡忠簡公以言事忤秦檜。謫嶺外。士大夫畏罪。莫敢與談。獨王盧溪庭珪詩以送之。其一云。囊封初上九重關。是日清都虎豹閑。百辟動容觀奏牘。幾人回首愧朝班。名高北斗星辰上。身墮南州瘴海閒。豈待他年公議出。漢庭行召賈生還。其二云。大廈元非一木支。欲將獨力柱傾危。癡兒不了公家事。男子要爲天下奇。當日奸諛皆膽落。平生忠義只心知。端能飽喫新州飯。在處江山足護持。爲邑人歐陽識告。許竄辰州。檜死而還。

唐任濤高安人。詩名早著。有露團沙鶴起。人臥釣船流之句。李常侍憲廉察江西。特與放里役。胡文恭公子宗炎善爲詩。有句云。飛禽避軒蓋。殘果落莓苔。歐陽公賞之。

周曙稷承勛有詩名。曾爲瑞之新昌尉。題度門院詩云。才入度門寺。先觀覺範詩。昔人吟不盡。今日到方知。地僻寒來早。山高月上遲。池邊老修竹。曾映董生幃。蓋龔龍圖端書堂在焉。宿玉隆宮云。夜爇松明火。朝焚柏子香。舉家來萬壽。佳節遇重陽。雨止雲穿月。風高天欲霜。吾廬籬下菊。應怪未還鄉。舊傳一貧士。死見陰吏。爲言當再生。汝有三百瓮。蠶祿未盡。陸放翁病愈絕句云。鏡中無復舊朱顏。一笑衰翁乃爾頑。三百瓮蠶消未盡。不知更著幾年還。戲用此事。

昔有沙門游永嘉鴈蕩。欲賦未就。遇負薪老人倚杖而嘆。問曰何嘆。曰一生看不足。遂得句云。四海名山曾在目。就中此境難圖錄。巖前撞見白頭翁。自道一生看不足。

洪州大智禪寺百丈山。高可千尺。爲大叢林。唐宣宗嘗以詩題云。大雄真跡枕危巒。梵宇層樓峻萬般。日月每從肩上過。山河長在掌中看。仙華不問三春秀。靈境無時六月寒。更有上方人罕到。暮鐘朝磬碧雲端。不獨爲此山絕唱。帝王意度於此可見。

楊誠齋序千巖摘藁云。余嘗論近世之詩人。若范石湖之清新。尤梁溪之平淡。陸放翁之敷腴。蕭千巖之工致。皆余之所畏者。姜白石詩藁自序云。尤延之先生爲余言。近世人士喜言江西。溫潤有如范至能者乎。痛快有如楊廷秀者乎。高古如蕭東夫。俊逸如陸務觀。是皆出自機杼。實有可觀者。又奚以江西爲觀。二公推許。想見當時騷雅之盛。建安大歷風斯下矣。

王武臣度豫章新吳人。吟詩有警句。如雲生坐來石。風掩讀殘書。危紅賒晚景。漲綠上平沙。雅分供餘食。

鴿亂著殘棋。樵斧和雲斫。漁蓑帶雪披。皆清奇可誦。張紫微謝良齋極稱賞之。康伯可與之紹興間。過清江游慧力寺。題二詩于松風亭。其一云。天涯芳草盡綠。路旁柳絮爭飛。啼鳥一聲春晚。落花滿地人歸。其二曰。江上濃陰曉未開。瘦筇支我上蒼苔。春寒前日去已盡。今日又從何處來。

王荊公初夏絕句。石梁茅屋有灣碕。流水濺濺度兩陂。晴日煖風生麥氣。綠陰幽草勝花時。范石湖云。嘗蒙恩獨引觴燕。壽王與行苑中。親誦後句以爲佳。

姜堯章夔居苕溪。與白石洞爲鄰。潘轉庵字之曰白石道人。且畀以詩曰。人間官爵似樗蒲。采到枯松亦大夫。白石道人新拜號。斷無繳駁任稱呼。堯章報以長句。其詞曰。南山仙人何所食。夜夜山中煮白石。世人喚作白石仙。一生費齒不廢錢。仙人食罷腹便便。七十二峯生肺肝。眞祖只在南山南。我欲從之不憚遠。無方煮石何由軟。佳名錫我何敢辭。但愁自此長苦飢。囊中只有轉庵詩。便當掬水三嚙之。

李莊簡公光詩。清絕可愛。越州雙鴈道中一絕云。晚潮落盡水涓涓。柳老秧齊過禁煙。十里人家雞犬靜。竹扉斜掩護蠶眠。後至政府。與秦檜議論不合。爲中司所擊。送藤州安置。差密院使臣伴送。公戲贈之云。日日孤村對落暉。瘴煙深處忍分離。追攀重見蔡明遠。贖罪難逢郭子儀。南渡每憂爲共墮。北轅應許鴈相隨。馬蹄慣踏關山路。他日重來又送誰。亦婉而有深意。

韓子蒼題淵明採菊圖詩。九日東籬採菊英。白衣遙見眼能明。向令自有杯中物。一段風流可得成。曾文

清公訪戴圖詩。小艇相從本不期。剡中雪月並明時。不因興盡回船去。那得山陰一段奇。兩詩意□□爲佳作。

曾文清謝路憲送蟹詩。從來嘆賞內黃侯。風味樽前第一流。只合蹢躅赴湯鼎。不須辛苦上糟丘。內黃侯三字甚新。

梅聖俞因劉元甫戲言之讖。竟終於都官。葬在宣城。俗呼爲梅夫子墓。弔之者有句云。贏得兒童叫夫子。可憐名位只都官。

娛書堂詩話卷下

太宗命蘇易簡講文中子。有楊素遣子食經。羹藜含糗之說。上因問食品。何物最珍。對曰。物無定味。適口者珍。臣止知齏汁爲美。臣憶一夕寒甚。擁爐痛飲。夜半吻燥。中庭月明。殘雪中覆一齏盎。引缶連沃。臣此時自謂上界仙廚。鸞脯鳳腊。殆恐不及。屢欲作冰壺先生傳紀之。而未暇也。上笑而然之。陳簡齋食齏詩云。冰壺先生當立傳。木奴魚婢何足錄。陸務觀亦云。髯鬚主簿方用事。冰壺先生來解圍。魚婢字出古今注。江東謂青魚爲婢。

高皇棄天下。金人來爲弔祭禮。丞相京公鎰以檢正假儀曹長充使報謝。至近境。開宴以樂。公以遏音辭。且云。若不撤樂。有死無貳。論辨數十。虜人爲屈。留汴俟命。時有詩云。鼎湖龍馭去無蹤。三遣行人意則同。凶禮強更爲吉禮。夷風終未變華風。設令耳與笙鏞末。祇願身糜鼎鑊中。已辦滯留期得請。不辭築館汴江東。旣旋。壽王有執禮可嘉之褒。除權工部侍郎。

孫君孚升云。昔與杜挺之、梅聖俞同舟遡汴。見聖俞吟詩。日成一篇。衆莫能和。因密伺聖俞如何作詩。蓋寢食游觀。未嘗不吟諷思索也。時時于座上忽引去。奮筆書一小紙內算袋中。同舟竊取而觀。皆詩句也。或半聯或一字。他日作詩有可用者入之。或云作詩無古今。惟造平淡難。乃算袋中所書也。康與之在高宗朝。以詩章應制。與左璫狎。適睿思殿有徽祖御畫。特爲卓絕。上時持玩。以起羹牆之悲。璫

下直竊攜至家而康適來留之飲。因出示之。康給璫入取殺核。輒書一絕于上曰。玉輦宸游事已空。尙餘奎藻繪春風。年年花鳥無窮恨。盡在蒼梧夕照中。璫見之大駭。然無奈何。明日伺閒叩頭請死。上大怒。亟取視之。天顏頓霽。但一慟而已。

力通青海求龍種。死諱文成食馬肝。此楊文公詠武帝詩。漢書武帝既誅文成。惜其方不盡。膠東樂大與文成同師。因樂成侯求見。帝說大曰。臣恐效文成。則方士皆掩口。烏敢言方哉。上曰。文成食馬肝死耳。按洞冥記云。元鼎五年。郅支國貢馬肝石。半青半黑。如馬肝。舂以和九轉之丹。用拭髮。白者皆黑。羣臣於甘泉有白髮者。賜拭皆黑。酷烈不雜丹砂。不□□髮。齊人李少翁以神仙惑帝。帝乃以馬肝石和九轉神明丸賜少翁。少翁死。卽文成也。今人見景帝有食肉不食馬肝。未爲不知味之語。遂謂文成食馬之肝而死。非也。

歐陽文忠公詩。山浦轉帆迷向背。夜江看斗辨西東。東坡亦云。山水照人迷向背。只尋孤壘認西東。身游山水閒。果有茲理。二公善於形容矣。

文康王公晦叔諱曙。嘗宰定海縣。賦回峯院詩云。山勢欲壓海。禪局向此開。魚龍腥不到。日月影先來。樹色秋擎出。鐘聲浪蒼回。何期隨吏役。暫得拂塵埃。商逸卿得遺墨刻之。

清明絕句。王元之云。無花無酒過清明。興味都來似野僧。昨日鄰家乞新火。曉窗分與讀書燈。李方叔云。千株蜜炬出嚴闌。走馬天街賜近臣。我亦茅簷自鑽燧。煨針燒艾檢銅人。二詩善述冷淡況味。漫筆之。

荆公纔成白雪桑重綠。割盡黃雲稻正青之句。今古傳誦。宋人廷博案宋人二字似誤紫芝送謝耘游淮詩有云。拓空淮。繭白梅近。楚秧青。蓋模倣此。

周益公休致。白石黃景說。賀以古風云。相公能辭一品官。不能辭他九轉丹。相公能卻萬鐘粟。不能卻他長生籙。潭潭之居移氣體。新年七十兒童似。朝朝見客步如飛。窗下時時看細字。高車得似垂車榮。巍冠何如挂冠清。深衣獨樂真天人。誰其友者。晁與彭。

環溪吳沆觀穫詩有云。新月輝輝動。黃雲漸漸收。形容甚工。

芝田錄云。鑰必以魚者。取之不瞋目守夜之義。王荊公詩云。開廚發篋鳴鎖魚。山谷詩云。時送一鷗開鎖魚。

南史齊高帝賜明僧紹竹根如意筓簪冠。隱者榮焉。唐李泌隱衡山。嘗取松樛枝以隱背。名曰養和。陸放翁詩云。天矯竹如意。鱗皴松養和。

台州巾云。唐任處士□□有詩云。絕頂新秋生夜涼。鶴飛松露滴衣裳。前峯月照半江白。僧在水濱開竹房。

孟子言舜封象於有庠。今道永之間有鼻亭。蓋字訛也。正在瀟水之上。舟楫往來其下。客有題詩云。如今不似當時傲。日日江頭送客舟。

陸龜蒙詩云。他年欲事先生去。十寶須加陸逸冲。注逸冲常事陶隱居。錫名栖靜居士。十寶猶人閒九錫。

也。秦少游遊仙詞一絕，亦用此意。詩云：本是廬山種杏人，出山來事碧虛君。上清欲問因何到，請看仙家十寶文。

僧島雲過盱江麻姑山題絕句云：萬疊峯巒入太清，麻姑曾此會方平。一從燕罷歸何處，寶殿瑤臺空月明。先作自從，後於同輩舉似。同輩云：詩固清矣，自字未穩，當作一字。雲服其言，暨再入山，已爲人改作一從矣，亦可謂一字師。

明妃曲古今作者多矣，近時徐思叔得之所賦一篇，亦爲時人膾炙。其詞云：妾生豈願爲胡婦，失信寧當累明主。已傷畫史忍欺君，莫使君王更欺虜。琵琶卻解將心語，一曲纔終恨何數。朦朧胡霧染宮花，淚眼橫波時自雨。專房莫倚黃金賂，多少專房棄如土。寧從別去得深嚙，一步思君一回顧。胡山不隔思歸路，只把琵琶寫辛苦。君不見有言不食古，高辛生女無嫌嫁槃瓠。

柴與之中行嘉定閒，仕于朝，與時宰議論不合去國。危逢吉，稱以詩送之，力爲君王乞得州。補天未了石還投，人才自係國輕重。吾道亦關公去留，殿角才辭槐影日。船頭便轉荻花秋，競誇祖帳都門外。誰識眉攢杜甫愁。

裘元量，萬頃豫章人，性恬退，不樂仕，以薦者召爲司直，在朝嘗賦歸興云：新築書堂壁未乾，馬蹄催我上長安。兒時祇道爲官好，老去方知行路難。千里關山千里念，一番風雨一番寒。何如靜坐茅齋下，翠竹蒼梧子細看。遂乞歸。